

卷之四

大唐開元占經卷之四十一

填星占四

填星犯西方七宿

填星犯奎宿乙

郝萌曰填星入奎以喪起兵一曰國有水事

海中占曰填星潤澤出奎有善令变色其入奎有偽
偽令來者若出奎有偽令出使者

郝萌曰填星逆行奎女主為賊若舍奎四夷皆服來

朝中國

荆州占曰填星舍奎國有德令

石氏曰填星出留舍奎大水不通行

黃帝占曰填星出奎女主揖正國有女喜若有女貴
郝萌曰填星出奎兵起東方

荆州占曰填星出入留舍奎其國大亂更為元年
黃帝占曰填星守奎有名者死

石氏曰填星守奎天子戒在邊境不可遠將兵凶

郝萌曰填星守奎地動

石氏曰填星守奎色黃黑有土功之事

巫咸曰填星守奎有兵災萬物不成

荆州占曰填星守奎王者憂之一曰大人當之

填星犯婁二

海中占曰填星之婁五穀豐熟人民息天下安

填星出入留舍婁天下且起兵一曰外國兵未入
陳卓曰填星守婁有亡國者

石氏曰填星守婁天下國土同心天子優賞賜命賢
郝萌曰填星守婁者皆為有白衣之念一曰天子戒
在邊境不可遠將兵凶

荆州曰填星守婁匿不去有奸臣謀主

巫咸占曰填星逆行守婁三十日不下女主出入不

時女主謁行若守之久九十日不下有奸臣謀主

荆州占曰填星出入守婁六十日不下用兵三年至

十月小旱秋有兵禾稼不成歲有小霜

填星犯胃三

石氏曰填星犯胃臣為亂

郝萌曰填星在胃陽女主不用事居其陰女主死

又曰犯胃為天下穀無寔以食為憂

石氏曰填星之胃天下有德令當有封爵者

郝萌曰填星出入苗舍胃九十日不下客大軍敗天

下小憂兵不用

填星舍胃開倉廩賜

石氏曰填星守胃白帝金人將來獻騶驥一曰歲穀

大貴動搖有兵

填星守胃赤黃天子自將兵甲而出其以亡

填星守胃天子無蓄積一曰有德令

巫咸曰填星守胃多災又為兵災万物不成

玉曆曰填星逆行守胃若成勾已天下有兵六十日
不下士卒大飢軍大敗九十日不下隣有暴兵來
伐中國期不出一年

巫咸曰填星犯守胃天下倉有繕者當有殃罰

填星犯昴四

聖洽符曰填星入昴胡人為亂若胡王死將軍兵出
當有流血兵出東北不出其年

郝萌曰上星入昴中地動水溢宗廟壞

填星逆行動女主飲食過度

石氏曰填星守昴天下貧人民不得飽又為民多疾

一曰多火災為旱

甘氏曰皇后憂失勢王者以赦除咎

石氏曰守昴有土功

巫咸曰填星守昴万物五谷不成

石氏曰填星出入守昴胡人多為亂二歲不下大將
出兵三年乃止守西北百里流血止

玉曆曰填星犯守昴居其南男子多死居其北有女
喪居其東六畜死居其西兵起国有憂

郝萌曰填星中犯守昴天下有福一曰若北者為國
憂若胡主死又曰兵北征於胡又曰為衣白之會
填星犯畢五

黃帝曰填星犯守畢出其北為陰國有憂

郝萌曰人君謀兵期八十日若八月

巫咸曰填星入畢中客伺入其口而數之期二十日
為兵燧伺始入地之一曰期十日為軍罷

郝萌曰填星入畢者為其國易王若入畢口中大人
當之又曰地大動水益

又曰入畢中為憂有兵若出奎入畢大亂若舍畢
口諸侯夷滅一曰大人當之兵起一曰不戰
填星出入留舍畢中八十日不下兵起若野而不
用客軍死之若守畢口君禦守

石氏曰填星守畢人君為下所制政令不行

甘氏曰填星守畢邊有軍者降王侯受賀君有大战

東書天文志曰晉安帝義熙六年九月丑日

填星犯畢九年三月林邑王范明遠將犯餘入寇
九真太守杜慧期拒破之珠齡石城蜀巫

巫咸曰填星守畢徭役煩賦歛中下屈謁尊能供下
惡其上強凌弱兵並起

郝萌曰土星逆行畢女主教遊戈獵不當
陳卓曰填星守附耳兵起若將相有喪憂不即免退
填星犯觜觴六

石氏曰填星犯觜其國兵起天下動移

郝萌曰土星守觜觴民人教亡

黃帝占曰填星入觜觴中有兵

郝萌曰填星入觜中伺其出日而數之期二十日兵

發伺始入處之率一日期十日兵罷

石氏曰填星守觜國有叛者

巫咸曰有兵災為水万物五谷不成

石氏曰民流不安去其國宅一曰君和同又曰西方

容動侵地君王崇禮以制義則國安

黃帝曰王星犯守觜國有土功事

甘氏曰土守觜天下安寧

巫咸曰有兵災為水一曰為万物不成五谷不盈

郝萌曰女主喜怒不常土星逆行觜參

荆州占曰填星守觜觴所出之宿其国亡地所入之宿其国得地

填星犯參七

石氏曰填星犯參国有叛者

郝萌曰填星逆行若留上冲中者為兵革起

西官候曰填舍參国有行城郭兵備

郝萌曰上宿參伐高田賤下田貴

石氏曰填星守參天下有大喪

填星犯守參大臣有出國使者

一曰守參有赤星出參中辺有兵

甘氏曰填星守參大人出使天下治城姦臣謀主有外兵

海中占曰土星守參軍破國亡

郝萌曰填星守參若角動赤黑色觸破參中兵星臣

子殺其君災

填星守參為后夫人當之

大唐開元占經卷之四十一

大唐開元占經卷之四十二
填星占五

填星犯南方七宿

填星犯東井乙

黃帝占曰填星入東井有賜爵祿事

石氏曰填星入東井大人憂

宋書天文志曰青龍三年七月己丑填星犯東井距
星四年三月癸卯在參又還犯之景九初年九月
皇后毛氏崩三年正月穆帝崩

荆州占曰填星入東井天一無主

郝萌曰填星入東井兵起東北

立行傳曰填星當在觜參而去東井亡地漢帝中元

年填星當在觜參而居東井觜參梁分也后四年

梁孝王死景帝以其子為王也

甘氏曰填星守東井其歲五穀不登

石氏曰填星宿東井逆行女主齋戒不謹敬若出入

留東井三十日不下水且大出流殺人

郝萌曰填星守東井民多疾病

黃帝占曰填星守東井為万物不成久守之金錢易

黃帝占曰填星守東井為水

或犯守在東井守其陽旱守其陰水若國君受誅

以其留守日占國

石氏曰填星守東井為旱赤地千里不出九十日有

赦

郝萌曰填星守東井為土功事

甘氏曰填星守東井大壅水

石氏曰填星出入留舍東井六十日不下兵起必有破

國王死

填星守井鉞大臣有誅斧鉞用者兵起

宋書天文志曰魏明帝青龍三年六月丁未填星犯井鉞四年閏月己巳復犯井鉞景和元年公孫淵叛司馬懿討滅之

晉穆帝永和十年正月癸酉填星奪賊星十二年十一月齊城陷執段合龍殺三千余人安帝義熙八年十二月癸卯填星犯井鉞九年三月誅諸葛長民西虜政魂安定威寇之

黃帝占曰填星入井鉞王者惡之一曰大臣誅
邴萌曰填星犯鉞人君有戮死者

填星犯輿鬼二

甘氏曰填星犯每鬼人君必有所戮

黃帝占曰填星犯鬼質人君有戮死者

甘氏曰填星犯天尸皇后憂失勢

黃帝曰填星入輿鬼有兵

石氏曰填星入每鬼大臣有誅者

邴萌曰填星入輿鬼中央天下有疫守西南星西南

病守東南星東南病守東北星東北病守西北星
西北病

填星入鉄鎖王者惡之

荊州占曰填星入與鬼国有戮死者一曰戮王

南官候曰填星入鬼王者戮大臣若將相若九親臣
當之

司馬彪天文志曰填星入與鬼皆死為喪

南官候曰填星入與鬼王謀其臣

黃帝占曰填星逆行犯命鬼女主用財奢淫過度若

女主貴親有憂

紆萌曰填星舍與鬼中央赦

南官候曰填星出入苗舍命鬼五十日不下必有天

疾大旱棺木貴絲綿布亦貴

海中占曰填星守與鬼大人憂宗廟改一曰王死又
為大人有祭祀之事

巫咸曰填星守與鬼後宮有憂若旱万物不成有土

功事

紆萌曰填星守與鬼天下賜喜

石氏曰填星守与鬼黃潤澤大人增地不若太子當
之

邾萌曰填星守与鬼西南為秦漢有叛臣以赦令解
之

百二十占曰填星守与鬼大人當之

宋書天文志曰晉帝義安熙十年七月庚辰填星犯
與鬼逐守之九月犯鬼十四年高祖彭城還受宋
公名年安帝崩父弟琅琊王踐祚是曰恭帝也
填星入若守与鬼為主憂財宝出乱臣在內若大

臣誅有于鉞鑽來者君貴人憂金玉用民多疾南
入為男北入為女西入為老東入為壯丁棺木倍
價

荊州占曰填星干犯守天尸隨所守主者廢之不出
七十日其天下國有大喪阳為人君阴為皇后左
為天子右為貴人

填星犯柳三

甘氏曰填星犯柳若不以正道而入之其國有旱不
則有火災若逆行入之地大動名山崩

荆州占曰填星入注貴人有喜

石氏曰填星犯柳有木功事若名木見伐者若宿柳不旱即水

郝萌曰填星出入菑舍柳有急令丹青貴

石氏曰填星入柳天子戒飲食官欲弑主

甘氏曰填星守柳君臣和同天下通臣

郝萌曰填星守柳万物五穀不成大飢民多疾疫一

曰為叛臣中兵也以德令解之

海中占曰填星守柳宮中大亂以相驚若水土功事

郝萌曰女主不敬祭祀一曰多水災

填星犯七星四

甘氏曰填星入七宿星為人事有君置太子

填星出入菑舍七星其國五谷大貴守五十日不下有兵起倍海國大敗

郝萌曰填星留七星者天下大憂中央

填星宿七星不入其道水一曰旱

黃帝曰填星守七星王道兵天下治又曰大人有喜郝萌曰填星守七星人主出不還一曰有德令

石氏曰填星守七星有迂王一曰有立后

郝萌曰填星守七星為叛臣中兵也以德令解之

填星守七星人主出不還必有立后徙王一曰有

赦若逆行七星女主衣服不法

填星犯張五

黃帝占曰填星入張天下大通去閔梁宗室煌煌

郝萌曰填星出張東舍二以上失國地

填星出張兵起北方

巫咸曰填星在張天下安閉道通

石氏曰填星當舍張陰陽不和民流千里魚鱉死魚

陸道民憂疾賊

郝萌曰填星出入當舍張兵甲盡出其秋冬仲月土

功事大起

甘氏曰填星守張天下不通去閔梁一曰天下和平

宮女有大喜

郝萌曰填星守張有叛臣中兵

巫咸曰填星守張三日其事微守之三十日其事其

大國諸侯謀慮大臣伏法死

填星守張多盜賊人民相惡兵并起

南官候曰填星守張兵大起一曰有土功

石氏曰逆行張女主亂朝

郝萌曰女主飲食過度

填星犯翼六

黃帝占曰填星逆行翼女主亂朝

填星在翼大臣誅

石氏曰填星守翼有叛臣中兵也若有土功事一曰
万物不成

郝萌曰填星守翼有兵

甘氏曰填星守翼主者承德君臣賢明六合同風天

下和平禮樂大興若守一年豐一曰女主有喜者

巫咸曰填星守翼多水災五穀不成

南官候曰填星守翼后夫人有喜

填星犯軫七

巫咸曰填星入軫中伺其出日而數之期二十日為

兵發伺始入處之率一日期十日軍罷

郝萌曰填星逆行軫女主持喪不謹

填星出入留舍軫六十日不下必有旱六月一
曰不出年河海尽空一曰不出三年必有喪

石氏曰填星守軫中兵大起

甘氏曰填星守軫土功大起国有白衣之令必有亡

地不出其年

荆州曰填星軫守后有憂

齊伯曰填星入軫若守之兵大起有憂國河當竭天

下大旱禾稼死傷人民大飢期二年

石氏曰填星逆行軫女主貴親生之

郝萌曰填星起左角逆行主軫其下國戰不勝

大唐開元占經卷之四十二

大唐開元占經卷之四十三

填星占六

填星犯石申中官

填星犯大角一

海中占曰填星犯守大角臣謀主者有兵起人主憂
王者戒慎左右期不出百八十遠一年

填星犯梗河二

巫咸曰填星犯守梗河国有謀心四夷兵起來侵中
國邊境有憂

填星犯招搖三

聖治符曰填星犯招搖兵大起胡人為寇若守之胡人敗若胡王死期不出二年

荆州占曰填星守招搖搖懺廢不用

填星犯玄戈四

聖治符曰填星犯玄戈邊兵大起胡人為寇若守之胡人敗若胡王死不出二年

填星犯天槍五

巫咸曰填星守天槍邊夷兵机槍大用防戍有憂若

誅邊臣期不出年

填星犯天棊六

巫咸曰填星犯守天棊邊兵機槍大用防戍憂若誅邊臣期不出年

填星犯女牀七

荆州占曰填星犯女牀凶

甘氏曰填星犯守女牀兵起宮中若后妃有暴誅者期百八十日遠一年

填星犯七公八

石氏曰填星犯七公群臣有疑議

黃帝占曰填星守七公為飢民君不安

石氏曰填星守七公輔臣相疑若有誅者人生有憂
填星犯貫索九

石氏曰填星守入貫索中犯乘守者以獄為亂多不
平

巫咸曰填星守犯貫索天下亂兵大起多獄事貴人
有死者

填星犯天紀十

文曜鉤曰填星犯守天紀幸臣執权有兵起王者有
憂

填星犯織女十一

黃帝占曰填星犯守織女天下有女憂有兵起不出
其年

填星犯天市十二

石氏曰填星入天市將相凶糶大貴若女主有憂又
曰填星入天市中相不死使於皇道

郝萌曰填星入若守天市糶大賤一曰大貴

又占曰填星入天市中五官有憂一曰赦

石氏曰填星守天市有訟事入市必有戮主者百日

失大將

又占曰填星逆行入天市驚一曰將相凶

填星犯帝座十三

玄冥占曰填星犯帝座為臣謀主天下亂兵大起不

出年

填星犯候星十四

海中占曰填星守候星陰陽不和五穀傷人大飢有

兵起

填星犯宦者十五

甘氏曰填星犯守宦者左右輔臣有誅若戮死期不

出年

填星犯宗正十六

石氏曰填星犯守宗正左右群臣多死若更政政令

人主有憂

填星犯宗人十七

石氏曰填星犯宗人親族貴人有憂有若死者一曰

人主宗親有離絕者

填星犯宗星十八

甘氏曰填星犯宗星宗室之臣有分離者

填星犯東西咸十九

石氏曰填星守犯東西咸為臣不從令有陰謀

填星犯天江二十

巫咸曰填星犯守天江天下有水若入之大水齊城

郭人民飢亡去其鄉

填星犯建星二十一

陳卓曰填星犯建星大臣相譖

甘氏曰填星守建星女主有謀兵起官中若女主有
黜者期不出年

海中占曰填星守建星田宅大貴一曰在陽賤在陰
貴

填星犯天弁二十二

甘氏曰填星犯天弁若守之則因徒起兵一曰五穀
不成粟大貴民飢

填星犯河鼓二十三

海中占曰填星入河鼓大将受賜地者期百八十日遠一年

黄帝占曰填星中犯河鼓大将若左右将者誅其犯守之為誅其犯守之為誅若有罪以五色占之

填星犯離珠二十四

石氏曰填星犯離珠宮中有事若有乱宮者若宮人有罪黜者

填星犯匏瓜二十五

聖洽符曰填星犯守匏瓜天下有憂若有搶兵各菓

貴一曰鹽貴魚貴價十倍不出其年

填星犯天津二十六

郗萌曰填星犯天津閔道絕不通有兵起若閔吏有憂若守有兵革

黄帝占曰填星出天津中天下大水有溢者若天下有急

填星犯騰蛇二十七

甘氏曰填星守騰蛇天子前駟凶若姦臣有謀前駟有害

填星犯王良二十八

石氏曰填星守王良為有兵

齊伯曰填星守犯王良天下有兵諸侯相攻強臣謀
主期不出年

填星犯閣道二十九

石氏曰填星犯守閣道而絕漢者為九州異政者主
其天下有兵期二年

填星犯附路三十

石氏曰填星守犯附路太僕有罪若誅一曰馬多死

道無乘馬者

填星犯天大將軍三十一

紉萌曰填星入天大將軍與軍者吉

石氏曰填星犯守天大將軍為大將因若死者

填星犯大陵三十二

石氏曰填星入大陵國有大喪大臣有誅若戮死人
民死者大半皆不出其年

填星犯卷舌三十三

石氏曰填星乘卷舌天下多喪

又曰占填星入守卷舌國有佞臣謀其君以口卷舌為人主有憂

填星犯五車三十四

石氏曰填星犯五車大旱若有喪一曰犯庫星兵起北方若西方犯倉星穀貴若有水

海中占曰填星入五車兵大起車騎行五穀不成天下民飢若軍絕糧

郝萌曰填星守天庫以喪起兵國中

又占曰填星舍五車中央大旱又多蠱在燕伐

又曰占填星舍五車東北六畜蕃息繒布帛大賤一曰天下多凶舍東南高田收下田不收又万民多疾無死者民反壽舍西南布若棺槨并貴舍西北天下安寧

又占曰填星守昴東行至天高復及五車為邊兵發有赦令

填星守天關三十五

石氏曰填星行天關中每至柳楊當去不去徘徊亂行光色盛怒見其妖祥中國隔絕道路不通

郝萌曰填星守天關貴人多死

巫咸曰填星守天關王者壅蔽信使不達若關梁不

通

郝萌曰填星行不從天關不出其年有兵

填星犯南北河三十六

黃帝占曰填星乘南河成若出南河南為中國

石氏曰填星守南河蚩夷兵起邊戍有憂若旱災人

民飢

黃帝占曰填星行南河成中若留止守之為旱一曰

為百姓疾病

郝萌曰填星行南河成中若留止守為之有喪

黃帝占曰填星出北河成北若乘之為胡王死

郝萌曰填星出北河成北若乘之為有女喪

又占曰填星守北河成西五穀無實

又占曰填星失度守陰門若陽門皆為諸侯姦

玄冥曰人敗若胡王死天下大水人民飢期不出若

一年

郝萌曰填星經南河成之南河法峻暴誅伐不當經

北河戌之北以女子金錢貨色奢侈失治道期三年

又占曰填星守南北河戌賜爵祿不出六十日有赦一曰有土功事

黃帝占曰填星出北河戌間若留守北戌若居南戌間若守西戌間為天下有難起道不通

填星犯五諸侯三十七

石氏曰填星犯五諸侯若守之兵大起將士出諸侯有死者

巫咸曰填星入五諸侯伺其出日而數之二十日兵彘伺使入處之率一曰則十日君罷

石氏曰填星中犯乘守五諸侯兵死期三年

鄒萌曰填星中犯乘守五諸侯為所中死乘守者諸若冇殃期三年兵發一

填星犯積水三十八

巫咸曰填星犯守積水其国有水災万物不成魚鹽貴一曰以水為敗羅大貴人民飢期二年

填星犯積薪四三十九

甘氏曰填星守積薪天下旱五穀不登人民飢亡

填星犯水位四十大

石氏曰填星犯水位天下以水為害津關不通一曰大水入城郭傷人民不出二年

填星犯軒轅四十一

黃帝占曰填星行軒轅中犯女主女主失勢失勢者憂喪也列大夫有放逐者五官有治者也悖為憂為疾其所中犯乘守者誅若宥罪

石氏曰填星在軒轅中有以女子謀人君者

又占曰填星守軒轅天下大赦

甘氏曰填星守軒轅天下大亂後宮被散改政易王

人主以赦除咎期三年

黃帝占曰填星中犯女主女主當之犯守女主女主

憂

巫咸曰填星行犯守軒轅女主失政若失賊一曰大

臣當之若有黜者期三年宋書天文忠曰晉穆帝

并平二年二月辛卯填星犯軒轅天皇三年十月

豫州刺史謝方入穎象貴而歸除名為人十一月

司徒會起王以二鎮敗求自敗三苛也石守曰田
星中守乘守軒轅太民星大飢太后宗有誅者若
有罪中犯乘守少民星小飢小流星后宗有誅者
若有罪

石氏曰填星入軒轅中犯乘守之有逆賊若大災
填星犯少微四十二

石氏曰填星入少微君當求賢佐不求賢佐賊失威
奪勢矣

石氏曰填星犯守少微名士有憂王者任用小人忠

臣被害有死者

黃帝占曰填星入中犯乘守少微為宰相易又曰為
女主有憂

石氏曰填星入中犯乘守少微為五官亂宰相有憂
填星犯太微四十三

陳卓曰填星犯太微女主持政大夫執綱

荊州占曰填星入太微軌道吉軌道者入西門出東
門若左右掖門行不留也不軌道者謂有所犯守
也

石氏曰填星出東掖門為將受命東南出德事也出西掖門為將受命西南出刑事也期以春夏

荆州占曰填星入太微宮皆為天子大驚一曰有兵又曰入天庭不安

黃帝占曰填星入天庭色白潤澤為期百八十日有赦

荆州占曰填星道西蕃入留正南門者為皆大臣有憂

石氏曰填星入太微中華東門若左右掖門而南出端者門為大有叛臣

郝萌曰填星入太微有德令

石氏曰填星入西門出東門皆為人君不安欲求賢佐入中華西門出中華門為臣出令入太陽西

門出太陰東門皆為天下大乱有喪若大水

春秋緯合誠圖曰填星入華闕門者皆為臣弑主之候

黃帝占曰填星東行入太微廷出東門天下有兵急若守將相丞御史大夫臣有死者若入端門守廷

天禍至入南門出東門國大旱若入南門至南行
出西門國有大水逆行入東門出西門國破亡
若順入西番而留不去楚國凶殃

郝萌曰填星入西門犯天庭出端門皆為大臣代主
入西門西折出右掖門皆為大臣假主之威而不
從命主

石氏曰填星逆行太微之中及出門左右掖門者有
逆謀天子有命將征伐之事一曰大赦可以解其
患也

郝萌曰填星當左右執法為受事守太微門三日已
下為受制三日以上為兵為賊為亂為飢

荊州占曰填星中犯左右執法者誅若犯罪
荊州占曰填星入太微從右入七日以上皆為人主
憂

巫咸曰填星逆行入太微天庭中為大臣有誅若誅
候戮死期二年

郝萌曰填星入西華門出端門皆為臣詐稱詔
石氏曰填星入太微廷所中犯秉守者皆為天子所

誅若有罪

石氏曰填星守太微宮必有破國易世主王案

宋書天文志曰晉安帝義熙十四年八月癸酉填星入太微中犯右執法因留太微積二百餘日及去是必高公受宋公恭地元年七月受宋王二年三月庚午填星犯太微六月晉帝遜位高祖入宮荆州占曰填星有當太微廷十皆為天下大憂中央留十日以上皆為天下有亡從為兵者黃帝占曰填星干太微留守三十日已上必為有革

天下大赦

郝萌曰填星逆行入左掖門皆為臣劫其主久入東門主黃帝座出西門皆為臣欲弑主不成

陳卓曰填星逆行執法四輔君還繞守之所中者有憂若死亡近期一年遠期五年

填星犯黃帝座四十四

石氏曰填星犯黃帝座改易政王天下亂存亡半期三年

石氏曰填星入太微干犯黃帝座其女主執政用威

勢

荆州占曰填星入黄帝座其色白者為有赦

又占曰填星觸黃帝座星賊死

黃帝占曰填星守黃帝座為大人憂

荆州占曰填星逆行入太微天廷中者為諸侯將有
弑上者主^黃帝座而成不至黃帝座而還有謀不成
以其入日占國

雜書摘亡群曰填星逆守黃帝座星亡君之戒

填星犯四帝座四十五

石氏曰填星犯守四帝座臣謀主去之一天事不成

又占曰填星中犯乘守四帝座群憂

甘氏曰填星中犯乘守四帝座天下亡

填星犯屏星四十六

甘氏曰填星犯守屏星君臣失祀謀上一曰大臣有
戮死者

石氏曰填星中犯乘守屏星為君臣失禮而輔臣有
誅者若免罪去

填星填郎位四十七

甘氏曰填星犯星犯守即位輔臣有誅左右宿衛為王者宜備之

填星犯即將四十八

巫咸曰填星犯守即將者命曰凌，則將有誅若將憂一曰大臣為亂戒慎左右

荊州占曰填星中犯乘守即將必有不還之使

填星犯常陳四十九

甘氏曰填星犯守常陳守衛有謀近宮起中天子自出待誅期百八十日遠二年

填星犯三台五十

玉曆曰填星入犯上台司命近臣有罪若有誅一曰近臣有逃走者以五色占白無咎青黑憂死喪期一年

巫咸曰填星犯守下台司祿近臣有誅若出走色黑者死

填星犯相星五十一

石氏曰填星犯相星輔臣凶

填星犯太陽守五十二

甘氏曰填星守犯太陽守大臣戮死若有誅期不出
年

填星犯天牢五十三

海中占曰填星犯天牢王者少微為弊貴人多有繫
者

填星犯文昌五十四

石氏曰填星入文昌天下兵起其臣不安若有走主
荆州占曰填星入文昌国安

填星犯北斗五十五

郝萌曰填星入守北斗中貴人繫

填星犯紫宮五十六

巫咸曰填星守紫宮民莫處其室宅流移去其鄉

又占曰填星入紫宮王者益地天下有喜一曰主
敬妃后

又占曰填星入紫宮中若守之女主用事誅大臣
期六十日有赦

填星犯北極五十七

甄曜度曰填星乘守中犯北極主星有大喪若犯妃

后皇女主有殃一曰大人當之
黃帝占曰填星犯守鉤陳後宮亂兵起宮中幸臣主
者憂

填星犯天一五十八

石氏曰填星犯天一幸臣有謀有兵起人主憂

填星犯太一五十九

石氏曰填星守太乙幸臣有謀兵起人主憂

大唐開元占經卷之四十三

大唐開元占經卷之四十四

填星犯石氏外官一

填星犯庫樓一

郝萌曰填星入庫樓兵出

又占曰填星入天庫以舉共大吉

填星犯南門二

石氏曰填星犯守南門過兵起若道路不通

填星犯平星三

石氏曰填星犯平星凶

甘氏曰填星犯平星執政臣憂若有罪誅者期一年
填星犯騎官四

甘氏曰填星犯騎官有兵起馬多落若多死

填星犯積卒五

石氏曰填星入積卒若守之兵大起士卒大行若多
死期二年

填星犯龜星六

海中占曰填星犯守龜星天下有水旱之災守陽則
旱守阴則水

填星犯傳說七

石氏曰填星犯守傳說王者宗廟廢五祀後宮凶一
曰有絕嗣君期不出二年

填星犯魚星八

石氏曰填星犯守魚星凶

甘氏曰填星守魚星之陽為大旱無行人道守陰為

大水魚鹽貴

填星犯杵星九

海中占曰填星入杵星若守之天下有急務之事不

出其年

填星犯驚星十

黃帝占曰填星守驚星為有白衣之會

巫咸曰填星守驚星國有水旱之災守陽則旱守陰

則水

填星犯九坎十一

石氏曰填星守九坎天下旱民水不流五穀不登人

民大飢一曰之陽大旱之陰有水

填星犯敗曰十二

郝萌曰填星守敗曰民不安其室憂失其釜甑若流

移其去鄉

填星犯羽林十三

郝萌曰填星入羽林為叛臣中兵也

海中占曰填星入守羽林有兵起若逆行變色成勾

已天下大兵關梁不通不出其年

石氏曰填星入人君以喪兵起

郝萌曰填星犯守天軍為兵起有破軍死將

填星犯北落師門十四

石氏曰填星守北落師門為兵起

又占曰填星與北落師門相貫抵觸光芒相及有兵大戰破軍殺將伏尸流血不可當也期百八十日若一年

填星犯土司空十五海中占曰填星守土司空其國以玉起兵若有土功之事天下旱

填星犯天倉十六

黃帝占曰填星入天倉戶中主財寶出主憂臣在內

天下有兵而倉庫之戶俱開主人勝客事不成期二十日中而發

荊州占曰填星守天倉天下飢粟出

填星犯天囷十七

石氏曰填星入天囷天下兵起困倉儲積之物皆發用一曰御物多有出者庫倉空期二年

填星犯天廩十八

石氏曰填星守天廩天下大亂又占曰填星入守天廩天下有兵歲大飢倉粟散

不出其年

又占曰填星犯守天廩天下乱散粟不出

填星犯天苑十九

石氏曰填星入守天苑牛羊禽獸多疾疫若守之二十日天下兵起馬多死其国憂

填星犯參旗二十

黄帝占曰填星犯參旗兵大起弓弩用事士将出行一曰弓矢貴

填星犯玉井二十一

黄帝占曰星入玉井為強国失其地其出之強国得

地

巫咸曰填星入玉井国有水憂若以水為敗水物不成不期出年

填星犯屏星二十二

甘氏曰填星入天屏諸侯有謀若大臣有戮死者為疫

填星犯厠星二十三

黄帝占曰填星守天厠為大臣有戮

填星犯軍市二十四

石氏曰填星入守軍市兵大起將軍出若以飢兵起
填星犯野雞二十五

甘氏曰填星入軍市犯守野雞其國凶必有死將軍
營敗兵士散走

填星犯狼星二十六

石氏曰填星守狼星野獸死

荊州占曰填星守犯狼星大將出行其國有兵一曰
有死將

填星犯甘氏中官三

填星犯四輔一

荊州占曰填星犯乘守四輔星君臣失禮輔臣有誅
者

填星犯酒旗二

荊州占曰填星守酒旗天下大輔有酒肉財物賜若
爵宗室

填星犯天高三

荊州占曰填星犯守天高有大赦

填星犯天潢四

黃帝占曰填星入天潢兵起運道不通

黃帝占曰填星入天潢為天下大亂易政一曰貴人死

巫咸曰填星出入天潢中大亂大旱殘死而不葬易世主以所占四方中央

郝萌曰填星失度留天潢中為人主以水為害若以井為害以入日占其國

黃帝占曰填星中犯乘守天潢期二十日兵起

填星犯咸池五

甘氏曰填星入咸池有兵喪天子且以火為敗失忠臣若旱一曰大水道不通貴人死以入日占國

郝萌曰填星入咸池女為亂若迷惑人主者

填星犯天街六

郝萌曰填星當天街為諸侯自立為王一曰大水石氏曰填星守犯天街徘徊亂行主弱臣強道路隔令不行不出其年有兵

又占曰填星留有止若逆行天街中者皆為兵革

起

填填星犯甘氏外官三

填星犯鉄鎖一

荆州占曰填星犯鉄鎖五日以上臣有謀者

郗萌曰填星乘守鉄鎖用一曰將有憂

填星犯藟藁二

黄帝占曰填星入藟藁中主財宝出憂臣在內

填星犯軍井三

郗萌曰填星入軍井三日以上其歲大水國多土功

填星犯水府四

郗萌曰填星守水府天下洪水

填星犯天廟五

黄帝占曰填星入天廟若守為廟有事一曰為田憂

荆州占曰填星入守天廟有廟殘之事灾不出則死

填填星犯巫咸中外官四

填星犯土司空一

荆州占曰填星守入土司空有土徭之事

填星犯鍵閉二

大德堂
邾萌曰填星犯守鍵閉星大臣有誤天子不尊事天子不宜出宮下殿有匿兵於宗廟中者案家書天文志曰魏齊王正始九年七月癸丑填星犯鍵閉明年車駕謁陵司馬懿奏諸曹爽等天子也宿於是失勢

填星犯天淵三

荆州占曰填星守天淵海水出江河溢若海魚出

填星犯鉄鎖四

荆州占曰填星犯鉄鎖誅諸侯

黃帝占曰填星入鉄鎖為大臣誅

荆州占曰填星犯守鉄鎖兵起

填星犯天廐五

荆州占曰填星入天廐十日以上廐馬有食變

黃帝占曰填星守天廐為災之事人主以馬為憂不即馬疾

大德堂
大唐開元占經卷之四十四

大唐開元占經卷之四十五

太白占乙

太白名主一

石氏曰太白者大而能白故曰太白一曰殷星一曰
太正一曰熒頭一曰明星一曰魏星一曰大表一
曰大威一曰太皞一曰衆星一曰相星一曰大囂
一曰爽星一曰大皓一曰序星上八之神出東方
為明星

荊州占曰出東方為啟明郭璞曰太白晨見東方為

啟明

爾雅曰明星謂之啟明

詩曰東有啟明西有長庚

鄭玄曰日既入謂明星為長庚

荊州占曰太白出東北為視星出東方若東南為明

星出西方太白也

吳夔天官星占曰太一位在西方白帝之子大將之

象一名天相一名大臣一名太皓

石氏曰太白金主秋主西維主金主兵於日主庚辛主

殺殺失者罰出太白之失行是失秋政者也以其

舍命國

甘氏曰太白金主大將主秦鄭

巫咸曰太白金主兵革誅伐正刑法

五行傳曰太白者西方金積也於五常為義舉動得

宜於五事為言歸令氏從義弓言失逆秋令則太

白為變動為兵為殺班固

天文志曰逆秋令傷金氣罰見太白

石氏曰太白司兵喪奸凶不時禁不祥或出東方或

出西方

荆州占曰太白出東方黃而明旱黃而不明此常色也

太白出西方其高而色正白旱而色青白其正色也即變其常以五色占

太白行度二

洪範傳曰太白以上元甲子歲十一月甲子朔旦冬至夜半甲子時與日月五星俱起於牛前五度順行二十八宿右遊一歲一周天案曆法太白一終

凡五百八十三日一千一百四十分日之一千二百二十九寄九星行過一周天二百一十八度一千二百二十九奇是二百六十七年四百六十七終也星平行日行十度一周天也

石氏曰太白出東方高三舍命曰明星柔上又尚三舍命曰大囂剛出其東方也行星九舍為百二十三日而反反又有二十日行星九舍入又伏行百二十三日行星十一舍昏出西方也高三舍曰若太白柔上又三舍合曰大囂剛出其西方也行星

九舍為百二十三日而反反又百二十日行星九
星而入入又伏行星二舍為日赤五日晨東方出
營室入角出角入畢出畢入箕出箕入柳出柳入
營室其出西方也出營室入角盡如出東方之數
其氏曰太白以攝提格之歲正月與營室晨出於東
方亢氏出東方為日八歲二百二十二日而復與
營室晨出於東方太白之居左也其恒二百三十
日其遲也二百四十日其居右也順行二百四十
日其速二百二十日從左過右也其右百三十日

其速九十日而見從左過右也其又三日其速十
日而見從右過右其又三十日其速其日而見
荊州占曰太白見東方二百三十日而復不見四

十六日名少罰太白與歲星為雄雌出於東方西
方高三合為太白柔又高三舍為太白剛用兵象
也剛則入地深吉淺凶柔則入地淺吉深凶

石氏曰太白出百二十日乃極乃極退也未滿以日
便至極疾也東方以辰巳為極西方以申未為極
太白出以辰戌入以丑未出入必以風太白當期而

出其國昌

荊州占曰太白出入如度天下昌

石氏曰出則出兵入則入兵戰則有勝用兵象太白
吉反之凶

荊州占曰太白已入而未出先起兵者國破亡禍及
一世

石氏曰太白兵家也行疾用兵疾吉遲凶行遲用兵
遲吉疾凶

太白行疾前用兵者善行遲後用兵者善

太白所居久其鄉利所君易其鄉凶

太白出高用兵深吉淺凶出半淺吉深凶

荊州占曰太白之出西方也酉南則為楚在酉北則
為秦齊燕

石氏曰太白出西方出酉秦勝楚出申楚勝秦

荊州占曰太白出入西方其國伐宋勝韓韓勝趙趙
勝魏

石氏曰太白伏外有軍則罷將起兵則正固勿攻戰
太白進退主候兵

荆州占曰太白其抵国凶

石氏曰太白不見尊出軍若有客來挑軍可應先動
破軍殺將必有積尸

太白出所直之辰從其色而角勝其色害者敗

太白所直之辰其直之者國為得位得位者戰勝

太白出東方也為德奉事左之近吉右之背之凶

太白出西方也為刑奉事右之背之吉左之近之

凶

太白入東方未出西方其六十五日為陽其六十

五日為陽以此時出兵雖勝有殃得地復歸之陽
為中國明為負海國

巫咸曰太白受制則修城郭繕藩垣審群禁斲兵甲

敬百官誅不法

太白入西方未出東方其十五日為陽其十五日
為阴右曰行天命以此時出兵其國亡

荆州占曰太白出西方常出申酉之間失行而北走

是未反坐有破軍有屠城在北方

天官書曰太白出卯南南方勝北方出卯北北方勝

大德堂
南方正在卯東國勝出酉北北方勝南方出酉南
南方勝北方正在酉西國勝

荆州占曰太白遠日為兵深其將強近日為兵淺其
將弱

太白伏也出兵有殃

魏武帝兵法曰太白已出高賤深入入境可擊必勝
去勿追

荆州占曰太白之相也從季夏至夏及四季王時
其色黃白精明無芒太白之正也從立秋至秋之

及其色比狼星而光明仲秋之時有芒角

太白之休也從立冬以至冬之及其色不精明而
無光

太白之囚也從立春以至春之及其色青黃而無
光明

太白之死也從立夏以至夏之及其色赤黑細小
而不明

甘氏曰當其担也而有王色主弱臣強有休色將不
兵有囚色將謀不成有死色將誅傷所番之舍其

大德堂
國兵其進舍也是越兵其退舍也兵出不成當其
而有相色主弱將權勢縱橫天下有謀專行君事
有囚色所囚者有罷從之令有死色大將死不葬
所留之舍其國兵起其進舍也其下之國兵歸之
其退舍也兵弱不用當其休也而有王色野多賊
兵有相色野多兵入人民亂未央有囚色攻牢墓
囚人橫有死色從軍死不葬其所守之舍有逸將
死王其進舍也武吏縱橫文吏為虎狼天下大赦
當其囚也而有王色大將反成有相色下犯其止

有休色野多暴兵盜賊並起有死色妖言多不祥
所番之舍不可奉事用兵其進舍也歲為雹霜萬
物不成其退舍也秋冬無霜雪當其死也而有王
色流水湯而有相野火煌而有休色金犢不行
有囚色國多虎狼其番守也野獸食人其進舍也
白而鋸鋸其退舍也兵不城行

太白光色芒角四

荊州占曰秋三月太白出西方色當白而太白逆行
必有金石之妖且見隕星墜為石之所下寇至其

野凶山崩地裂出水無火而金自燔天雨血高臺
自壓見此二者國有大喪及為祠荐收西海之神
命及為後命兵令勤事試車馬驚邊境修邊地
甘氏曰候太白以秋庚辛此土氣色當其如常色變
則失所也

石氏曰太白赤比心黃比參在肩蒼比參左肩黑比
天豕之右目

荆州占曰太白赤比心白比狼星織女星黃比左角
班固

天文志曰黃比參左肩青比參右肩黑比右角
天官書曰黑奎大星也此太白之常色也一書云青
比五角也

石氏曰太白色猛赤次白而蒼若悴而不光謂失色
雖得地位擊之必尅其大而圓黃而澤可以為好
事其圓大怒而赤天下兵隆而不戰

太白色白圓明潤吉黃圓和黑圓憂青圓小憂

荆州占曰太白青圓為水

巫氏曰太白赤東西南北行非常色此有謀國兵起

太白失色國失兵將死

太白光明見影戰勝歲熟

海中占曰太白光明見影戰當太白者將軍增爵主
增壽

郝萌曰太白當効而出色黃為王中央利有王功事
有軍一曰有德令其國利

太白光如張蓋所在之國有立王楊光見影歲大
熟

太白色固而悴則不出六十日有大喪

太白色黃黑軍在外者罷有謀者以兩厭之

荊州占曰太白始出色黃其固吉赤有兵而不傷其
色白歲熟色黑有水

太白始主未可擊色隆未可擊色衰未可擊色死
急擊勿置弗急擊客將為主人

太白其狀炎然而上則有兵大起下則有天狗所
下其野流血出無時則易其政

太白正蒼有兵憂貴有憂

太白色蒼黑期六十日有水若喪黑多為水蒼黑

寺水兵並起

太白蒼白而淨天下厭兵

太白色蒼白期不出六十日中有喪若憂

太白始出色白其國歲熱又曰秦利

太白色黑芒澤有子孫喜立王

太白色赤白而潤有喜

太白始出色黃其國吉黃白利同色赤末年有兵

戰勝文曰楚利又曰日始出色赤淳得地

巫氏曰太白色黑秋水尚可春破師

海中占曰太白色赤淳得食白淳有喜蒼憂黑為死

荊州占曰太白色白而無角將不勝

巫氏曰太白色黃有角其國疫又色白旱

荊州占曰太白色黑燕利

甘氏曰太白色白五芒出卑為月食晚為天妖及慧

星將發于無道之國

郝萌曰太白常刑行則垂芒上銳下大色如止常

荊州占曰太白蒼芒有喪憂

甘氏曰太白獨行赤則武也可以戰白而芒則文也

不可以戰行者武也不行者文也

海中占曰太白十二世鈞不可以戰

京氏曰尚書微則太白垂芒

荆州占曰太白見一世兵起不用見二世戰攻見三

芒天下皆兵起見四芒諧候死境見五芒天下更

制王周一曰五邦

太白十芒皆鈞不戰而受地

太白所在之鄉視芒而日增長如行過維此大人
之氣也不可不備

石氏曰太白青角有木事黑角有水事白角有喪赤
角有戰

石氏曰太白赤角用兵敢戰吉不敢戰凶順角所指
擊之吉逆之凶

荆州占曰太白大王光有角將暴虛為民賊所在者
民善之所去者民不治

巫咸曰太白赤而有角將者勝赤而无角將不勝

荆州占曰太白四角者赦

海中占曰太白有五角立將六角有取國地七角伐

王

荆州占曰太白過宿有角長取地長角短取地短

太白過宿有角外指其國得地內指其國失地期

一年

太白居實有德居虛无德行勝色

晋灼曰太白行得度勝有色也色勝位有位勝無位

有色勝無色行得尽勝之

晋灼曰行應天度雖有色得位行尽勝之行重而色

位輕是輕得字作德出於辰之南鄭得位行不失

勝行失敗色黃而赤大而角勝蒼小敗出於辰卯

間宋得位行不失勝行失敗色黃而赤大南角勝

黑小敗出於寅卯間衛得位行不失勝行失敗色

黃大而角勝蒼小敗出於黃之北趙得位行不失

勝行失敗色黃而華大而角勝蒼小敗出於午未

間兵越得位行不失勝行失敗色蒼廉赤大而角

勝黃小不廉赤敗出於申之南楚得位行不失勝

行失敗色赤大而角勝赤小敗出於中酉間漢得

位行不失勝行失敗色大而角勝赤小敗出於酉

戊間吞得位行不失勝行失敗色蒼大而角勝白
小敗出於戊之北燕得位行不失勝行失敗色黑
大而角勝黃小敗

班固天文志曰太白所直之辰其國為得位得位者
戰勝所有之辰順其色白角者勝其色害者敗

晉灼曰鄭色黃而赤蒼小敗宋色黃而赤黑小敗楚
色赤黑小敗燕色黑黃小敗皆大角勝

荆州占曰太白之色赤也將者勝其白无角不勝其
剛也破軍殺將其柔也勝不殺將太白赤而角者

武也戰不戰凶

太白之色赤澤而有角命曰大旗長取地長旂短
取地短

文曜鉤曰太白青角推擲滋

荆州占曰太白黃而角有王功色白而角文不可以
戰一曰哭法之声色黑而角大水有兵在外戰吉
不戰凶

元命包曰太白高下進退應兵名野疾左右角耀兵
官驚慎武將斤武臣

大唐開元占經卷之四十五

太白占二

太白盈縮失行一

石氏曰日方南太白居其南日方北太白居其北曰
盈候王不寧用兵進吉退凶日方南太白居其北
日方北太白居其南曰縮候王有憂用兵退吉進
凶遲吉疾凶日方南謂夏至後也日方北謂冬至
後也

元命包曰太白羸則悒謀縮則后族患圓而不行我

侍為君

荊州占曰太白出於巳殺大將出於未陽國傷
春秋緯曰文曜鉤太白曜沉浮主伐提天下更紀世
有名師

宋均曰主德不一則攝提代移更紀殺有令名能為
天下師表者也

荊州占曰太白見東方上至巳皆更政出西方順行
過巳不及午有霸國及午陰國今天下案班固
天文志曰三年秋太白出西方有允幾中在北南過

則過入是時項羽為楚王而漢已定三秦與相距
東陽幾中是秦地戰時勝而漢國將興也

晉灼曰幾中近踰本地也

郝萌曰太白出戌入未是謂犯地行刑絕天維國大
水暴兵將多僞

荊州占曰太白行小失道其將為奸行大失道其將
為大奸其國將坐之逆行尤甚

石氏曰其國失殺秋政則太白失行
巫咸曰太白出西方失道有過八月不尽九月至一

日期三月

又占曰太白失行而南是謂金入火有兵，罷不出三年，国有男喪，若有兵。

魏武帝兵法曰：不有破軍，必有屠城。北國當之。

荊州占曰：太白失行而北，金入水災，大兵起。案

宋書天文志曰：晉惠帝光熙元年，月太白失行，自

翌入尾，其占曰：太白失行而北，是謂及生，不有破

軍，必有尾城。五月，汲桑攻鄴，魏郡太守馮高出戰

大敗，桑遂害東燕王勝，騰殺方余，人笑燒魏將宮。

室皆忠，尽也。

荊州占曰：太白出至其國之日，而獨不見其兵，弱三有，此可擊，必有得其將。

荊州占曰：太白出東方，失行而北，中國敗；失行而南

倍海國政。

石氏曰：太白出西方，失行倍海之國敗。

天文志曰：夷狄敗，其出東方，失行中國敗。

荊州占曰：太白有不見三日，有亡國敗師。

又占曰：太白一南一北，九候皆伏。

又占曰太白一東一西害於候王謂有免候王也
又占曰太白在東方以始出為位在月南為得行
月北為失行不有破軍必有屠城与月相遇失行
月不尽一日二月二日三月四月四月五月
五日六月六日七月七日八月八月九月九日而
兵起

荆州占曰太白出西方下行一舍如下北兵將當有
戮者

郝萌曰太白出東方若西方過營室強國君有與者
不及營室而反還大強國有敗者
海中占曰主奸聽讒言廢直大臣女子為政刑法誅
殺不以道理則太白逆行天鳴地坼歲多暴風而
大水庶民負子而逃孕多死變豆不

劉向鴻範曰好功戰輕百姓飾城郭侵邊境是謂不
艾厥極憂時則生婦
太白變色而逆行二

郝萌曰太白逆行變色簡宗廟廢禱祀去祭祀逆天
時

荆州占曰太白逆行失常有兵革

又占曰王者失於秋政則太白逆行變色揚芒與他星舍閉環繞犯乘變為妖星慧掃其害庭固破主死天下皆兵王者脩德赦有罪存孤恤寡薄賦省徭可得無咎

荆州占曰太白始出逆行不可以逆戰大凶敗亡

又占曰太白出東方逆行不至已而反陽國敗戰不勝一曰陽國有兵者

荆州占曰太白東方逆行過已不出年有霸國反午

陽國今天下一曰陽國霸

石氏曰太白出西方逆行至四正西方之國吉東方出出逆行至四正春秋

緯文曜鉤曰太白當出不出陰匿留主沉滯大臣謀主

石氏曰太白當出不出當入不入是謂失舍不有破軍必有死王亡國案

天官書曰必有國君之墓

宋書天文志曰晉武帝咸寧四年九月太白當見不

見是時羊祐表請伐吳上許之五年十一月兵起
太白始夕見西方太康元年三月大破吳軍孫皓
面縛請死吳國遂亡壬之

荆州曰占太白未當入而入天下聚糧

石氏曰太白當出而不出當入而不入天下偃兵兵
在外而入

荆州占曰有軍則罷

文曜鉤曰太白不當出而出立躁臣熾軍破主死兵
馬滋

荆州占曰太白當出而出外有急兵出南方南方急
出北方北方急

石氏曰太白出東方為東方入為北方出西方為西
方入為西方又曰所居久其國利

荆州占曰居宿如度其鄉利易其鄉凶蕪羽注漢書
天文志曰疾過也一說易鄉而出入

晋灼曰上言易而出易言疾過是

甘氏曰太白政緩則不出急則不入逆則凶

又占曰太白未及其時而出不及其時而入天下

舉兵所當之國亡以時出而不出時未入而入天下偃兵野有兵者所當之國大凶

巫咸曰太白可出不出國且有謀可入不入國有置兵當入不入過二十日天下有兵事

又占曰太白可人不入國且置候未可入而入野且寇

又占曰太白出國方黃昏而出陰國之兵強雞鳴而出太弱是陰陷於陽

巫咸曰太白在東方平旦而出東方南方以奉兵天

下不能當平明而東方陽國之兵強雞鳴而出弱出弱黃昏而出中弱是謂陽陷於陰

石氏曰太白未當出而出當入而不入天下起兵有破國

巫咸曰太白未當出東方而出東方色黃白名曰重華更民謹諱事擾不治民不得耕織或騷動不得食使之無然所訟得其理則正非重華色而重華人民作為不詳

巫氏曰太白未可不而下東方色黃而不明名曰少

歲少歲亂行入民驚惶於野若牧牛羊使之不然
斷批死罪以下釋之如坎則正非少歲色而少歲
少歲飢百鬼不享

巫咸曰太白未可出西方而出西方色白名曰太白
且有聚卒使之不然止工作無聚縱市三日以當
有卒聚如坎則止非太白色而太白有兵

巫咸曰太白未可下而下西方色青白名曰白肖白
肖亂行且有甲兵搶人民惶之百鬼不享徭役以
行使之無然死人於市者勿葬吏民三月帶劍佩

刀操兵以當有兵如坎則止非白肖色白而肖有
喪

海中占曰太白出不上不下菑桑榆門

晋灼曰行遲而下也病其下國

巫咸曰兵其下國

班固天文志曰太白上而疾未及其日過春天

晋灼曰春天者三分天過其一坎戊酉之間也病其

對國

荆州占曰太白出王羸百六十日而上過春天至尊

令行民治無盜賊少徭賦

荆州占曰太白出主百六十日不能參天主軍令不行民飢乱多益賊倍徭賦

又占曰太白未滿日參天其国亡

又占曰太白以其時出阴四十日不動先起兵者不利

甘氏曰邦將有謀太白往守之

荆州占曰太白夕出西方其旦昏當午道無行人其下之国兵起不利其六月

荆州占曰太白夕出西方其昏正月而返有失地之君期九十日

石氏曰太白已出三日而復微入三日乃復盛出是謂懦而伏其下之国軍其衆敗其將死

石氏曰太白入三日而復微出三日乃復盛入其下国憂其師有糧遺人食有兵草遺人用之士卒雖衆將軍為人所虜

班固天文志曰其下之国憂師、離衆敵人食糧用其兵虜其師

文曜鉤曰太白以入三日復出師憂將慮主大過
宋均曰大過如衛卜追敵師有夫出征而喪其雄遇
獲敵將也遇惑為愚

荊州占曰太白已出三日而復入

天文志曰復微也入三日而復出

天文志曰復盛也是謂逆伏其下之國有敗軍死將

不出期年今日入明日出其君死之

荊州占曰太白出西方三日而反入其將軍虜

石氏曰太白入七日復出相死入十日復出將軍戰

死入又復出人君死

荊州占曰太白不滿其日數入而復出入一日十

日而兵死入五日十日而兵死入十日百日而

兵死當其日以命其國

荊州占曰太白以出高二三丈乍入乍見如此三日

四日不過五日必有大戰兵勢要

秘術曰太白出三日而復入入三日乃出其國有軍

軍敗所謂出國若是已國戒勿動有挑勿應之雖
戒勿動審矣可也軍出乃為動耳

文曜鈞曰陰俾俯軍相國先戰敗將見誅又曰上復
下不復一將反天下駭擾

荆州占曰太白不出二年強國之君當之不出二年
強之國君死之

太白經天昼見三

石氏曰凡太白不經天若經天天下革政民更王是
謂亂紀人民流亡

孟康曰謂出東入西出西入東也

太白陰星出東當伏東出西當伏西過午為經天

晋灼曰日陽也日出則星右昼上午上為經天

石氏曰太白經天見午上秦國王天下大亂

荆州占曰太白昼見於午名曰經天是謂亂紀天下

亂政政易王人民流亡棄子妻去其鄉里案

宋書天文志曰宋後廢帝元徽五年五月戊申

太白昼見二上光明異帝常宋順帝昇明元年九

月丁亥

太白在翼昼見

經天占曰更姓後一年齊受禪之驗

荆州占曰太白夕見過午亦曰經天有連頭斬死又
陰國兵強王天下女主用事旧國不利

春秋元命包曰殺失則攻戰刑故

太白逆經天屠君文外夷征

京房封灾異曰人君薄思無義懦弱不勝任則

太白失度經灾則變不救則四边大動蛮貊侵也

春秋文曜鉤曰太白經天主失樞

春秋緯曰彗守角太白經天金精之國虛謀殺作兵

春秋漢含孽曰陽弱臣逆則

太白經天防弱君宗弱不堪為主也

孝經鉤命决曰天子失兵則

太白經天

雜書雜罪級曰太白經天不言候桀代政

巫咸曰太白昼見而經天爭明而兵起天下驚強國
弱女主有名

天官書曰太白昼見經天強國弱國弱女主昌也

巫咸曰太白當戶期百八十日蚩尤出兵且起大將
在野

巫咸曰太白上中天下有一主之命

又占曰太白不當中而中孟月見之候王當之仲月見之大將軍當之季月見之小民當之

又占曰太白不當過中是謂絕綱四國兵起

春秋緯運斗樞曰太白赤之世有過為大臣三公所乘則太白經天有災類則亡引也

荆州占曰太白經天海內悲泣九州搖動奮兵負糧春秋緯考異郵曰倍臣行毒諸謁向尊則太白經天主命凶

荆州占曰太白再經天一入中宮天下更主國破主死則不出三年案

班固天文志曰秦二世即佐太白再經天因次強楚並與兵相蹈蘓秦遂以亡蘇林日踏昔臺登踞也或作蹈

荆州占曰太白晨出東方過食時而明有兵期四十日若至日中而明兵起將行期三月

荆州占曰太白晨出東方而中乃明亡地之君在東方若東北方期六十日

又占曰太白見東方上至午將奪君又曰陽國王
當位者受之

又占曰太白見東方至而已之間小將失過午有起
霸者

荆州占曰太白出高至七午之間士卒勞有不利軍
者難以得功也

又占曰太白出西方上至未陰國有霸者若過未
及午陰國王今天下一曰至午者陰國王當其
位者受之

陳卓曰太白從西方若東方上至午皆為有兵

荆州占曰太白上至午未間天下易王陽國兵強當
有位者受之

又占曰太白始出辰巳間為荆楚正巳殺大將出
午天下有亡國出午未間天下亡王者昌

荆州占曰太白昼見每日爭光是謂經天大乱十年
人民流亡去其鄉女主昌執政近日國必有喪日
中而見事必然

司馬彪天文志曰太白昼見經天為兵喪在大人案

檀道鵠晉陽秋曰孝武大元三年九月太白昼見在
角五年九月癸未星后王氏崩十二月六月癸酉
太白昼見經天在柳十月庚午太白昼見在斗十
三年正月內在將軍康樂公輔立薨十四年妖賊
鄧黎稱号於皇兵剽牢之滅之

甘氏曰太白昼見天子有喪天下更主大乱是謂經
天有亡國百姓皆流亡案

司馬彪天文志曰孝安永初五年六月辛丑太白昼
見經天延光九年三月癸巳鄧太后崩孝順永和

五年四月戊午太白昼見其六年大將軍梁商薨
九江丹陽賊周生馬彪等起兵攻沒郡將梁氏又
專權於天庭中漢安永初二年正月己亥太白昼
見七月甲申

太白昼見明年順帝崩孝冲即位明年正月又崩
常昭洞紀曰桓帝元嘉元年二月

太白昼見永興元年二月

太白昼見永興元年河水溢漂殺人百姓飢窮流
移道路數千萬戶家

宋書天文志曰魏黃初四年六月甲申太白昼見五年十月乙卯

太白又昼見將孫權受魏爵号而称兵距守七年五月文帝崩八月遂圍江夏魏江夏太守文聘固守得令將軍司馬懿救襄陽斬吳將張霸

晉惠永康元年三月

太白昼見占曰為不臣是晉孝武大元七年三月

月

太白昼見在斗中八年四月甲子

太白又昼見在參九年六月皇太后褚氏崩也

荆州占曰太白昼見名曰昭明強國弱，國霸兵大起期不出年案

宋書天文志曰晉孝元太元七年十一月太白昼見在斗八年四月甲子太白又昼見在參是月桓仲征河漢楊亮伐蜀並拔城畧地八月苻堅自將兵號百萬九月攻伐專阳十月劉罕之破堅將梁成

大德堂
斬之殺復万余人謝立苛又殺堅於肥水斬其弟
融堅大衆奔潰九年分月謝立出屯彭城經畧中
十年八月苻堅為其將姚長所殺十一年二月戊
申太白又昼見在東井十二年慕容垂寇東阿翟遼
寇河上姚長假号安定苻登自立隴上吕光窃批
凉十二年二月庚午

太白昼見又在斗自是慕容垂翟遼姚長苻登慕容
容承並阻兵爭強下四年正月彭城妖賊又称号

於皇兵剽罕之攻破滅之三月張道破合鄉圍太
山向欽之擊走之是年翟遼又攻榮陽侵畧陳項
于時政事多弊治道陵遲也

巫咸曰太白昼見是謂陰明宋年強國有喪

宋孝武太元二十年七月太白昼見在太微二十一
年三月

太白連昼見在羽林二十一年九月武帝崩

司馬彪天文志曰太白昼見而強臣案

宋書天文志曰魏明帝青龍三年十月壬申

太白昼見在尾歷二百余日

恒見占曰尾為燕以臣強有兵四年三月己巳太白
与月俱在丙昼見積二百八十餘日是時公孫淵
自立為燕王置署百官余發兵距司馬懿封賊之
韋昭祠紀曰漢安永初二年正月太白昼見漢陵河
陽失穀三千石百七十人五月旱三年京師人相
食

司馬彪天文志曰孝順永和年三三月壬子太白昼
見六月丙午太白昼見八月乙卯太白昼見閏月

乙卯大白昼見太白將軍之官又為西州昼見陰
盛典君爭明以時將軍梁商父子秉勢故太白常
晝見

太白變異大小傍有小星四

巫咸曰太白下為壯公正於山林案風俗通去東方
朔者太白星精黃帝時為風后堯時為務成子周
時為老聃在越為范蠡在齊為鴟夷言其神聖與
王霸之業變化無常列仲傳及漢武故事並云朔是
歲星精應邵云是太白精

荆州占曰太白赤圓大而光期不出九十日大兵起
石氏曰太白圓大怒而赤天下有兵盛而不戰
巫咸曰太白出而大兵韋將吳旌旗相梁兩敵兩當

大將行

甘氏曰太白獨將赤則十五日戰從芒之所指而擊
者勝

荆州占曰太白大而芒角色青白若芙蓉篋竿有影
歲大熱主壽將益祿以戰勝守固

荆州占曰太白當效而出色黑北方利

又占曰太白當效而出色赤為兵不足傷南方利

荆州占曰太白色白又白又曰白甚春有喪

又占曰太白始出赤而大其年有兵

又占曰太白色赤有憂又曰失色赤國失兵將死

甘氏曰太白始出大而後其國兵弱始出小而後大

其國兵強

荆州占曰太白出小而後大大兵起東方為陽國西
方為陰國又曰始出為微細不明後大而光者戰
兵初弱後勝

候有小星去之尺軍罷

太白流動與列星聞五

郝萌曰太白流國有兵將死

石氏曰太白動徃進退左右用兵吉淨凶太白圓以淨用兵淨吉躁凶

荆州占曰太白大而角搖居不安東西南北乍上乍下如故驚者其年有喪大小必至

郝萌曰太白與^宿星聞不出一年有失國之若將失立荆州占曰太白與列星聞兵弱為客者利

太白穰氣暈彗六

黃帝占曰太白生為氣向白穰明日大風發屋折木道上無灰不出五日粟大貴五倍不出年中有兵歲多大霧傷五穀婦人多毀傷其子者不過十月而止

黃帝占曰太白生穰氣長三丈若六丈大風雨兵起所指處天下民生俱驚犬或侈天

孝經又秘云太白垂冠天下亂臣下叛

甘氏曰太白之為雲如林如杖如杆皆兵喪俱起期

二月

巫咸曰太白暈天下敵有喪有喜不出二十日其失
國兵失

郝萌曰太白出彗西南維中國民受兵亡地不出二
年

石氏曰太白出第西北維胡狄受兵不一年亡地

石氏曰太白出第西南維候中國民為多受亡地不
過一年

大唐開元占經卷之四十六

卷之四